

Recueil des chartes de l'abbaye de Stavelot-Malmedy, 254

VICTOR EPISCOPUS SERVUS SERVORUM DEI DILECTO IN CHRISTO FILIO HERLEBOLDO STABULENSI ABBATI EJUSQUE SUCCESSORIBUS CANONICE SUBSTITUENDIS IN PERPETUUM. Consuevit apostolice sedis clementia humiles et devotos filios ex assueta benignitate propensius diligere et in suis justis petitionibus efficaciter exaudire. Ea propter, dilecte in Domino fili ERLEBOLDE abbas, tue sinceritatis devotionem immobilemque tui animi constantiam, quam erga sedem apostolicam et nos ipsos multis et magnis obsequiis te indubitanter habere cognovimus, propensius intuentes, tuis justis postulationibus clementer annuimus et anulum, mitram, dalmaticam et sandalia in precipuis festivitibus et in ceteris congruis temporibus infra tuam ecclesiam tibi tuisque successoribus et in regali curia personae tue tantum deferenda auctoritate apostolica concedimus et presentis scripti privilegio confirmamus. Preterea de discretione tua bene per omnia sperantes, ad honorem Dei et ad salutem fidelium animarum ex consueta benignitate sedis apostolice, potestatem tibi damus in ecclesia sermonem ad populum facere et verbum Dei fidelibus annuntiare. Tua itaque interest, dilecte in Domino fili, dare operam quam possis, ut te tam providum et sollicitum in commissis exhibeas, ut in retributione justorum audire merearis: Euge serve bone, quia super pauca fuisti fidelis, intra in gaudium Domini tui, super omnia bona constituendus. AMEN. AMEN. AMEN.

(L. R.) Ego Victor catholicae ecclesiae episcopus ss. (L. M.)

+ Ego Ubaldus Ferentinus episcopus ss.

+ Ego Guido presbiter cardinalis titulo Calixti ss.

+ Ego Johannes presbiter cardinalis titulo Pastoris ss.

+ Ego Vinfredus presbiter cardinalis titulo s. Susanne ss.

+ Ego Gerardus diaconus cardinalis s. Georgii ad Velum aureum ss.

Datum Parmae per manum JOHANNIS S. Romanae ecclesiae presbiteri cardinalis et cancellarii XVI. kal. augusti, indictione X, incarnationis dominice anno M^o C^o [L^o] X^o I^o, pontificatus vero dompni VICTORIS pape IIII anno III.